


嵐縣志

上卷



重修嵐縣志序



夫志也者所以志一邑之文物也序也者所以序文物之先後也且見門齋閤閭者率修氏譜凡以昭先烈而思綿邈遠也矧嵐襲漢唐故址在三晉稱上郡

嵐志序

乎昔宣子聘魯而嘉周公典禮之大備孔子說二代之禮而歎祀宋之無徵顧子官於其地而弗究心於其地之文獻非闕典與公暇嘗涉綠津陟桃邱撫銅鼓瞰瀑布則見層巒環視碧流

襟遶松杉蔚蒼巖豕儺熙未嘗  
不擊節而壯山河之固也旣而  
披汾陰之輿圖訪仙洞之丹窟  
眺爾朱之遺墟叅之以地理俗  
尙政教文物之休美則又不能  
無深懼者存焉何則邑之有美

而弗知懵也知之而弗迪懦也  
今觀嵐志之休美地里土宜也  
吾當順而阜之田戶俗尙也吾  
當恤而正之官師政教也吾當  
宜而化裁之夫先王采詩以驗  
民風稽文以察時變政之美惡

皆於是焉備况嵐之地里土宜  
昔淳龐而今澆漓矣田戶俗尙  
昔富實而今靡耗矣官師政教  
昔振飭而今廢隳矣加之賦重  
而役繁訟健而事劇利益薄而  
民生日蹙予以不淑之身表儀

之未樹而望末流之弗趨弊者  
微矣予豈能以弗深懼乎哉予  
豈能以弗深懼乎哉是志也分  
爲八卷詳略相因與別志不同  
與輯者教諭田公畝訓導張公  
大行董其事者蓮幕董公文賢

例合並書於後昔萬歷十六年  
歲在戊子冬十一月上浣之吉  
嵐縣知縣談應春撰

重修嵐縣志序

歲在己酉余由樂亭補授嵐  
邑自會城入天門陟兩嶺過  
汾而西達嵐境岡巒嵯峨石  
徑磳确懸崖鳥道肩輿幾不  
能容俯瞰深谷惴惴不敢疑

嵐志序

一

視昔人云蜀道難不謂晉境  
崎嶇尤覺過之抵縣郊見城  
堞傾圮井閭荒涼士民迎接  
者喬野樸陋無冠裳文物之  
態旣而入署索閱邑乘欲按  
籍以察土俗民情而斷簡殘

編缺略失次噫縣志所係者  
鉅矣願可令其軼失不修哉  
第筆墨之事非余今日之急  
務盖一行作吏簿書鞅掌未  
遑重以土瘠民貧逋負陳因  
考成嚴迫方思所以寬民力

又恐無以報催科蒿目焦心  
展轉中夜志書之修豈余今  
日所暇及雖然治有標本固  
當權其緩急而事有鉅細未  
可任其廢興縣志非細故也  
一方之利弊民生之休戚風

俗之污隆人心之溥薄均繫  
屬焉長民者不下堂階而致  
治之法瞭若指掌賴有此耳  
舊志始於萬歷十六年談令  
應春草創略備僅有八卷記  
載未詳迄今幾及二百年休

嵐志序

三

戚利弊視昔異宜風俗人心  
與時遞變執是以為考鏡庸  
有當乎夫來者未續往者無  
徵再歷年所恐湮沒無跡故  
余雖不暇於文墨而僕々催  
科之餘慨然以修志為急務

良以志之所關誠巨也况今  
聖天子命修一統志各直省奉  
令編纂余撥冗與邑之司鐸及  
諸生考定故跡諮訪近事拾  
遺補闕付諸剞劂使後之宰  
是邑者有所憑藉心求乎民

生休戚之故隨時擘畫行見  
利興弊革挽今茲之凋敝為  
他年之富庶安知荒山窮谷  
之中不可為菹水桑麻之境  
何慮乎逋負又何慮乎喬野  
樸陋之俗哉昔

雍正八年歲次庚戌孟春之  
月吉日

賜進士出身文林郎知嵐縣事海

寧沈賢鶴書氏謨



重修嵐縣志

凡例

一舊志創始于明萬曆十六年至

國朝康熙十二年知縣楊于鼎有志復修不果故自萬歷戊子以後官師履歷及制度因革俱無可攷不及備載

一舊志僅八卷二萬餘言一曰地里沿革二曰城市建置三曰四境山川四曰田賦戶口五曰官師通考六曰人物通考七曰文

嵐縣志

凡例

一

獻今傳八曰土風雜記當時草創略具記載未詳且歷年久遠殘缺失次今第就網羅所及補輯大半猶略而未備

一舊志每卷俱有小序今或仍其舊或另加弁語文不一例聊存體制而已

一舊板字跡模糊更多缺失其不可以意推者仍留空白以闕其疑

一自明迄今宰嵐者類有懿蹟第不經題達不從祀典未敢妄列故名宦闕焉

一風俗隨時變易不能一轍風俗惟勤儉朴  
邀猶有唐魏之遺若其冠婚喪祭之儀率  
多簡陋載之于志殊不雅馴故亦闕而不  
錄

知縣沈繼賢載識

訓導常大昇全輯

邑廩生程純誼

李 璵

牛德澤

嵐縣志

凡例

二

郭繼虞較訂

重修嵐縣志目錄

序

序

凡例

卷之一 建置

卷之二 城垣

卷之三 衙署

卷之四 田賦

卷之五 戶口

卷之六 職官

卷之七 儒學

卷之八 壇廟

卷之九 山川

卷之十 疆里

嵐縣志

目錄

一

卷之十一 選舉

卷之十二 孝節

卷之十三 仙釋

卷之十四 藝文

卷之十五 物產

卷之十六 災祥

跋

重修嵐縣志卷之一

建置

世之天官家譚分野於一邑不誠難哉以彈  
 丸之區占諸穹蒼之上天垣地維固不可以  
 蠡測也今按省會幅幘揆諸九州分野嵐屬  
 禹貢冀州之域于二十八宿在參井之交嵐  
 之名始自漢歷唐宋迄今為路為郡為州更  
 制不一而總以嵐名明洪武二年分立州縣  
 南為嵐縣北為岢嵐州隸太原府云


嵐縣志

卷之一

一

縣治圖

界交縣東





嵐縣志


卷之一

二

城垣圖



廟皇玉 壇厲邑



嵐縣志

卷之一

三

唐 為九州以東南為兖東北為冀嵐地在冀

虞 分為十二州嵐之地隸如唐

夏 奄有九州亦稱萬國

殷 亦曰九州嵐之地隸如虞

周 分為九畿嵐地在晉

威烈王時 韓趙魏共分晉地嵐屬魏 按史記趙世家云西有樓煩正義曰即

嵐州勝州之北嵐勝以南石州離石蘭等六國時趙邑邊地也據此則嵐又似屬趙

秦 制天下為四十四郡嵐隸晉陽郡

漢 廢秦制改郡為州故名嵐州孝武制十二刺史部州隸冀州刺史

東漢亦如之

三國為新興郡地

晉亦如之

五代改為嵐州路

隋更置州司改為樓煩郡按隋志地理考大業四年置樓煩郡統縣三一日靜樂開皇十八年為汾源大業四年改靜樂一日臨泉後齊置日蔚汾大業四年改焉一日秀容舊置涇州後齊又置平寇縣後周州徙雁門開皇初置新興郡銅川縣郡尋廢十年廢平寇縣十八年置忻州大業初州廢又廢銅川為秀容今嵐城南三十里有秀容故城五都中亦有秀容都疑即此地按邊封考異樓煩子不可考其初封時或曰夏後商以來世為荒服

嵐縣志

卷之一

四

周成王時其君入朝戰國時列邦紛紜兵爭樓煩遠與代國解處冀北之地蓋上古之時並建要荒以為藩屏王者威德遠被莫不來王及春秋以降自德既衰荒服不至矣是故周王會有樓煩此即真明証也或曰代與樓煩壤地相銜亦同時荒服之國也王會何以有樓煩而無代豈偶遺之歟抑別有說歟曰考之古牒代為子姓寔殷之同宗周人蓋不躋之於荒服是以王會無代云

唐置東會州尋改嵐州天寶初改為樓煩郡乾元復改嵐州按唐書地理考東會州武德

六年更名統縣四一日宜芳武德四年更名拆置豐潤合會二縣五年省豐潤六年省合會今嵐縣合會村有故城遺址靜樂縣有豐潤村疑即此改屬一日靜樂武德四年置管州仍拆置汾陽六度二縣五年名北管州六年州廢省汾陽六度以靜樂來屬一日合會